

ხ ე ლ შ ე კ რ უ ლ ე ბ ა
სახელმწიფო შესყიდვის შესახებ #02/013-18

ქ. თბილისი

08 მაისი 2018 წელი

ერთი მხრივ, სსიპ „იუსტიციის უმაღლესი სკოლა“, მისი ფინანსების მართვისა და ლოჯისტიკის დეპარტამენტის უფროსის, ბეჟან თურმანიძის სახით, (შემდგომში „შემსყიდველი“), და მეორე მხრივ, ი.მ. პაატა სანიკიძე, (შემდგომში „მიმწოდებელი“) „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1 ხელშეკრულების საგანია (შემდგომში „შესყიდვის ობიექტი“) კვების მომსახურების (CPV55300000), შესყიდვა, 11 (თერთმეტი) პერსონისთვის, კერძოდ: სსიპ „იუსტიციის უმაღლესი სკოლის“ 7 (შვიდი) თანამშრომლისა და სსიპ „იუსტიციის უმაღლესი სკოლის“ დამოუკიდებელი საბჭოს 4 (ოთხი) წევრის კვების მომსახურებით უზრუნველყოფა ხელშეკრულების დანართის #1 შესაბამისად.

1.2 შესყიდვის წყარო: სსიპ იუსტიციის უმაღლესი სკოლის კანონით ნებადართული შემოსავლები (საკუთარი სახსრები).

1.3 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს.

მუხლი 2. ხელშეკრულების ღირებულება

2.1 ხელშეკრულების საერთო ღირებულება შეადგენს 1166.00 (ერთი ათას ასსამოცდაექვსი) ლარს, მიწოდებასთან დაკავშირებული ყველა ხარჯის და საქართველოს კანონმდებლობით დადგენილი ყველა გადასახადის ჩათვლით.

2.2 ანგარიშსწორება მოხდება ფაქტიურად მიწოდებული შესყიდვის ობიექტის მიხედვით, მხარეთა უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე.

მუხლი 3. შესყიდვის ობიექტის მიწოდების ვადები და ადგილი

3.1 შესყიდვის ობიექტის მიწოდება განხორციელდება 2018 წლის 09, 10 და 11 მაისის.

3.2 მიწოდების ადგილია: ქ. წყალტუბო, რუსთაველის #31.

მუხლი 4. შესყიდვის ობიექტის მიღება-ჩაბარების წესი

4.1 შესყიდვის ობიექტის მიწოდების შესახებ ფორმდება შესაბამისი მიღება-ჩაბარების აქტი. შესყიდვის ობიექტი, ან მისი ნაწილი ჩაითვლება მიწოდებულად მხოლოდ მიღება-ჩაბარების აქტის გაფორმების შემდეგ.

4.2 შემსყიდველის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს სსიპ „იუსტიციის უმაღლესი სკოლის“ ადმინისტრატორი (რეგიონი წყალტუბო) - მიტროფანე ჭყონია.

მუხლი 5. ანგარიშსწორების ფორმა და ვადები

5.1 მიწოდებული შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

5.2 შემსყიდველი ვალდებულია მიმწოდებელთან განახორციელოს ანგარიშსწორება მიმწოდებლის მიერ საქართველოს კანონმდებლობით დადგენილი საგადასახადო დოკუმენტაციის (დღგ-ს ანგარიშ-ფაქტურა, სასაქონლო ზედნადები, და სხვა) საქართველოს კანონმდებლობით დადგენილი წესით შემსყიდველისათვის წარდგენიდან, ან/და მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღისა.

5.3 მიმწოდებელი ვალდებულია დაიცვას პუნქტი 5.2 წინააღმდეგ შემთხვევაში შემსყიდველს უფლება აქვს უარი თქვას ანგარიშსწორებაზე.

მუხლი 6. მხარეთა უფლება-ვალდებულებები

6.1 შემსყიდველს უფლება აქვს:

- ა) შეამოწმოს შესყიდვის ობიექტის ხარისხი.
- ბ) მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.
- გ) ნებისმიერ დროს შეაჩეროს ან შეწყვიტოს ხელშეკრულება, როდესაც ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან საზოგადოებრივი ინტერესებიდან გამომდინარე.

6.2 შემსყიდველი ვალდებულია:

- ა) წერილობითი ფორმით, ან ამ ხელშეკრულებაში მითითებული ელექტრონული ფოსტით აცნობოს მიმწოდებელს შესყიდვის ობიექტის წუნის შესახებ.
- ბ) დაიცვას ხელშეკრულებით გათვალისწინებული პირობები.

6.3 მიმწოდებელს უფლება აქვს:

ა) მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

ბ) მოითხოვოს შემსყიდველისაგან ხელშეკრულების სხვა პირობების დაცვა.

6.4 მიმწოდებელი ვალდებულია:

ა) მიაწოდოს შემსყიდველს შესყიდვის ობიექტი ხელშეკრულებით დადგენილი პირობების შესაბამისად;

ბ) ხელშეკრულებით დადგენილი პირობებისა და წესის შესაბამისად დროულად აღმოფხვრას შესყიდვის ობიექტის წუნი;

გ) ჯეროვნად, დროულად და კეთილსინდისიერად შეასრულოს ხელშეკრულების პირობები.

მუხლი 7. ხელშეკრულების ინსპექტირების პირობები

7.1 შემსყიდველი უფლებამოსილია მოახდინოს შესყიდვის ობიექტის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

7.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული ობიექტის ნაწილის და წუნდების მითითებით.

7.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

7.4 ხელშეკრულების ინსპექტირებას შემსყიდველის მხრიდან განახორციელებს სსიპ “იუსტიციის უმაღლესი სკოლის” ადმინისტრატორი (რეგიონი წყალტუბო) - მიტროფანე ჭყონია.

მუხლი 8. პირგასამტეხლო ხელშეკრულების პირობების შეუსრულებლობისათვის

8.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისთვის მხარეებს ეკისრება პირგასამტეხლო შესასრულებელი ვალდებულების ღირებულების 0,02% ოდენობით. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8.2 იმ შემთხვევაში თუ ვადაგადაცილების გამო დაკისრებული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 0,2%-ს, მხარეებს უფლება აქვთ შეწყვიტონ ხელშეკრულება.

8.3 ხელშეკრულებით ნაკისრი ვალდებულებების შეუსრულებლობით გამოწვეული ზიანის ანაზღაურების საკითხი რეგულირდება საქართველოს კანონმდებლობით.

მუხლი 9. ხელშეკრულებაში ცვლილებების შეტანა და ხელშეკრულების შეწყვეტა

9.1 ხელშეკრულებაში ნებისმიერი ცვლილების ან დამატების შეტანა შეიძლება მხოლოდ მხარეთა წერილობითი შეთანხმებით.

9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.4 თუ ხელშეკრულების რომელიმე მხარე დაარღვევს ხელშეკრულებიდან გამომდინარე ვალდებულებას და პირობებს, მაშინ ხელშეკრულების მეორე მხარეს შეუძლია მოითხოვოს ხელშეკრულების შეწყვეტა, ვალდებულების შესრულებისათვის მის მიერ დამატებით განსაზღვრული გონივრული ვადის უშედეგოდ გასვლის შემდეგ (გამოიყენება წერილობითი ფორმა ან ამ ხელშეკრულებაში მითითებულ ელექტრონულ ფოსტაზე გაფრთხილების გაგზავნა). თუ ვალდებულების ხასიათიდან გამომდინარე შეუძლებელია ან აზრს კარგავს დამატებითი ვადის გამოყენება, მაშინ დამატებითი ვადის განსაზღვრას უთანაბრდება გაფრთხილება (გამოიყენება წერილობითი ფორმა ან ამ ხელშეკრულებაში მითითებულ ელექტრონულ ფოსტაზე გაფრთხილების გაგზავნა).

9.5 ხელშეკრულების შეწყვეტასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსის შესაბამისი მუხლები.

9.6 ხელშეკრულება ასევე, შეიძლება შეწყდეს მხარეთა ინიციატივით, წერილობითი ურთიერთშეთანხმების საფუძველზე.

მუხლი 10. დავები და მათი გადაწყვეტის წესი

10.1 ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილი იქნას მოლაპარაკების გზით.

10.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

მუხლი 11. დაუძლეველი ძალა

11.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.

11.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა 3(სამი) დღეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე.

11.3 დაუძლეველი ძალის შემთხვევაში მხარე დაუყოვნებლივ წერილობით აცნობებს ამის შესახებ მეორე მხარეს.

მუხლი 12. სხვა პირობები

12.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

12.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

12.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 13. ხელშეკრულების მოქმედების ვადა

13.1 ხელშეკრულება ძალაში შედის მისი დადების დღიდან და მოქმედებს 2018 წლის 30 ივნისის ჩათვლით.

მუხლი 15. მხარეთა იურიდიული მისამართები და რეკვიზიტები

„შემსყიდველი“

სსიპ „იუსტიციის უმაღლესი სკოლა“
ქ.თბილისი, ნ.ბობუას #19; ს/კ: 205146493
ტელ: 238 11 61;
ელ-ფოსტა: vtchitchagua@hsoj.ge
სახელმწიფო ხაზინა,
ხაზინის კოდი: TRESGE22
ა/ა GE24NB0330100200165022

„მიმწოდებელი“

ი.მ. პაატა სანიკიძე
ქ. ქუთაისი, რაზმადის ქ.#45;
ს/კ: 60001050309; ტ: 555 145 925;
ელ-ფოსტა: pikniki.pikniki@mail.ru
სს „საქართველოს ბანკი“
ბანკის კოდი: BAGAGE22
ა/ა GE06BG0000000148743800

ბეჟან თურმანიძე
ფინანსების მართვისა და ლოჯისტიკის
დეპარტამენტის უფროსი



ხ ე ლ შ ე კ რ უ ლ ე ბ ა
სახელმწიფო შესყიდვის შესახებ #02/013 -ის დანართი #1

ქ. თბილისი

08 მაისი 2018 წელი

შესყიდვის ობიექტის აღწერილობა	შესყიდვის ობიექტის რაოდენობა	ერთეულის ფასი 1 ადამიანზე(ლარი)	მთლიანი ღირებულება (ლარი)
09 მაისი			
ვახშამი 1 ადამიანზე			
ფხალის ასორტი - 100გრ.	11	22.00	242.00
ქათმის ფილე შემწვარი ჩხირზე - 80გრ.			
ხაჭაპური - 100გრ.			
ლობიანი - 100გრ.			
„პიცა“ სამარხვო - 100გრ.			
ხბოს მწვადი - 100გრ.			
სამარხვო ოლივიეს სალათა -70გრ.			
შემწვარი კარტოფილი 100 გრ.			
სალათა კიტრი-პომიდორი -100გრ.			
ყველი იმერული - 60გრ.			
ნამცხვარი ხილით - 100გრ.			
პური: თეთრი და რუხი - 50გრ.			
ნატურალური წვენი (გამაგრებლ. სასმელი) - 150მლ.			
ჩაი და ყავა (თითო-თითო ფინჯანი) - 150მლ.			
რძე - 50მლ, შაქარი - 50გრ, ლიმონი - 20გრ. კარაქი - 30გრ.			
10 მაისი			
საუზმე 1 ადამიანზე:			
მოხარშული სოსისი - 80გრ.	11	15.00	165.00
ბლინი საქონლის ხორცის - 100 გრ.			
ხაჭაპური - 100გრ.			
2 კვერცხის ომლეტი - 100გრ.			
კარაქი - 30გრ.			
პური: თეთრი და რუხი - 50გრ.			
ნატურალური წვენი (გამაგრებლ. სასმელი) - 150მლ.			
ჩაი და ყავა (თითო-თითო ფინჯანი)			
ხაჭო და არაქანი - 100/100გრ.			
რძე - 50მლ, შაქარი - 50გრ, ლიმონი - 20გრ.			
ბორჯომი, წყალი-100მლ.			
სადილი 1 ადამიანზე:			
შემწვარი ქათამი ტყემლის სოუსით - 100გრ.	11	22.00	242
ქაბაბი - 100გრ.			
შემწვარი თევზი (ორაგული) - 100გრ.			
ბადრიჯნის სალათა სამარხვო -70გრ.			
შემწვარი კარტოფილი 100 გრ.			
სალათა კიტრი-პომიდორი -70გრ.			
ბადრიჯანი ნიგვზით - 100გრ.			
აჩმა - 100გრ.			
ლავაში - 50გრ.			

ხილი (ბანანი,ვაშლი,კივი,ფორთოხალი)			
წვენი(გამაგრილ.სასმელი) - 150მლ.			
ბორჯომი, წყალი-100მლ.			
ვახშამი 1 ადამიანზე:			
ნიგეზიანი ბადრიჯანი - 70გრ.	11	33.00	363.00
„ოჯახური„ - 150გრ.			
შემწვარი კალმახი - 200გრ.			
„ხაჭაპური“ - 100 გრ.			
ხბოს მწვადი - 100გრ.			
საქონლის ხორცის სალათი - 100გრ.			
ქათმის ფილე შემწვარი ჩხირზე - 80გრ.			
სოკო ქაშა შემწვარი - 100 გრ.			
ყველის იმერული - 60გრ.			
ფხალის ასორტი -70გრ.			
სალათა კიტრი-პომიდორი -70გრ.			
მჭადი-1ც.			
ლავაში - 50გრ.			
ხილი (ბანანი,ვაშლი,კივი,ფორთოხალი)			
წვენი (გამაგრილ.სასმელი) - 150მლ.			
ბორჯომი, წყალი -100მლ.			
11 მაისი			
საუზმე 1 ადამიანზე:			
სარდელი მოხარშული - 100გრ.	11	14.00	154.00
„ბლინი“ საქონლის ხორცის - 100გრ.			
ხაჭაპური - 100გრ.			
2 კვერცი მოხარშული			
ძეხვის ასორტი - 80გრ.			
წვენი(გამაგრილ.სასმელი) - 150მლ.			
ჩაი და ყავა, ხაჭო და არაქანი.კარაქი,რძე			
ბორჯომი, წყალი-100მლ.			
ჯამი			1166.00 ლ

„შემსყიდველი“

„მიმწოდებელი“

ბეჟან თურმანიძე
 ფინანსების მართვისა და ლოჯისტიკის
 დეპარტამენტის უფროსი



ი.მ. შაატა სანიკიძე

